

CONVENIO DE COLABORACIÓN ENTRE A EXCMA. DEPUTACIÓN PROVINCIAL DE PONTEVEDRA E O EXCMO. CONCELLO DE CALDAS DE REIS PARA A EXECUCIÓN DO PROXECTO "RECUPERACIÓN DE ESPAZOS E MELLORA DA MOBILIDADE PEONIL NA ESTRADA EP 8005 RÚA PARQUE (TRAVESÍA DOÑA URRACA) CALDAS DE REIS.

En Pontevedra, na data da derradeira sinatura dixital.

INTERVEÑEN

María del Carmen Silva Rego, na súa condición de presidenta da Deputación de Pontevedra, actuando en virtude da competencia que lle atribúe o artigo 34.1.b) da Lei 7/1985, de 2 de abril, reguladora das bases do réxime local (en adiante LBRL).

Juan Manuel Rey Rey, alcalde do Concello de Caldas de Reis, actuando en virtude das facultades representativas que lle atribúe o artigo 21.1.b) da LBRL.

Carlos Cuadrado Romay, secretario xeral da Deputación Provincial de Pontevedra, dando fe da formalización.

Ambas partes recoñécense con capacidade para formalizar o presente convenio, en base ós principios de colaboración, cooperación, coordinación e eficacia que deben presidir as actuacións das Administracións Públicas.

MANIFESTAN

I.- Que os convenios entre as Administracións Públicas constitúen o instrumento adecuado para desenvolver a súa cooperación en cuestións de interese común, tal como establecen os art. 47 e seguintes da Lei 40/2015, de 1 de outubro, de réxime xurídico do sector público (en adiante LRXSP), 57 da LBRL e 198 e seguintes da Lei 5/97, de 22 de xullo, de Administración local de Galicia (en adiante LALG).

II.- Que a Deputación de Pontevedra está concienciada sobre a necesidade de aumentar a seguridade viaria en toda a rede de estradas provinciais, facendo especial fincapé nos tramos que transcorren por espazos urbanos ou núcleos rurais dos distintos concellos, dando cumprimento a asistencia que debe prestar segundo disposto no artigo 36 LBRL. Por ese motivo, o organismo provincial quere levar a cabo intervencións neste senso no seu propio viario e está a facer una replanificación profunda e conceptual das actuacións en materia de mobilidade, con especial fincapé na protección dos colectivos máis vulnerables: peóns, ciclistas e persoas con mobilidade reducida. O obxectivo é conformar un contorno viario seguro e tranquilo, fomentando a convivencia de todos os medios de transporte e sistemas de desprazamento, así como repartir de xeito equitativo o espazo público. Quérese garantir que vías provinciais ofrezan unha mobilidade universal nun espazo continuo de seguridade viaria.

III.- Que segundo dispoñen os artigos 26.1 da LBRL e 81 da LALG, os municipios deberán prestar ós seus cidadáns determinados servizos públicos en función da súa poboación.



IV.- Que o artigo 36 da LBRL e os artigos 109 e 110 da LALG encomendan ás deputacións a que dirixan a súa actividade a asegurar a prestación integral e adecuada dos servizos de competencia municipal, a tal efecto, e co fin de posibilitar a consecución real e efectiva dos mesmos, é polo que se instrumenta o presente convenio.

V.- Que a Deputación de Pontevedra é titular da estrada provincial EP 8005 Rúa do Parque (denominación Catálogo de Estradas), que transcorre polo Concello de Caldas de Reis- Travesía Doña Urraca (rueiro municipal)- e ten unha lonxitude de 155 m.

VI.- Que na actualidade a estrada está composta por dous carrís, un para cada sentido de circulación, con beirarrúas de anchos que incumpren a Lei de accesibilidade de Galicia, atopándonos cunha rúa que ten a maioría da totalidade do espazo público dedicado ao vehículo motorizado.

Debido ó mal estado da EP 8005 Rúa do Parque (Travesía Doña Urraca), a Deputación de Pontevedra decide contratar a redacción do proxecto de "Recuperación de espazos e mellora da mobilidade peonil na estrada EP 8005 Rúa do Parque, Caldas de Reis".

O proxecto desenvólvese na súa integridade no Concello de Caldas de Reis, e concretamente na estrada provincial EP 8005 Rúa do Parque (Travesía Doña Urraca), sendo o seu obxecto principal a recuperación da totalidade desta rúa entregada na actualidade ao vehículo motorizado, realizando un cambio de uso destinando a totalidade deste espazo público aos peóns, deseñando a rúa cunha zona de convivencia elevada 10 cm con respecto da rasante da estrada actual e con prioridade peonil. A maiores, utilizarase para o deseño do novo espazo público pavimentos e mobiliario urbano que dignifiquen a zona de actuación, nun entorno con elementos patrimoniais de gran beleza como o son a Igrexa de Santa María de Caldas de Reis e o Cemiterio parroquial de Santa María, tratándose a maiores dun tramo do Camiño Portugués, frecuentado diariamente por un elevado número de peregrinos que na actualidade atravesan a rúa sen ningún tipo de itinerario peonil reservado para eles, sendo necesario levar a cabo unha actuación que, a maiores de dignificar o entorno patrimonial no que se atopa, marque a prioridade peonil da zona e garanta a seguridade viaria e a mobilidade peonil na totalidade da rúa.

Con esta actuación perséguese delimitar claramente a circulación do tráfico rodado e peonil, segregando os espazos co fin de crear itinerarios peonís seguros para os colectivos máis vulnerables, sempre baixo as premisas de buscar un deseño que sexa comprensible, utilizable e practicable por todas as persoas en condicións de seguridade e comodidade.

O proxecto contempla tamén a execución de pequenas variacións na rede de pluviais existente, co fin de adaptala ó novo deseño da rúa, así como melloras en diversos servizos urbanos como a execución dunha nova rede de alumeadado público con luminarias LED de alto rendemento.

Co fundamento en canto queda exposto, e sendo patente a vontade de colaboración das



entidades comparecentes, ámbalas dúas partes acordan a subscripción do presente convenio, consonte ás seguintes:

CLÁUSULAS

Primeira.- Obxecto.

O obxecto do presente convenio é establecer as condicións que rexerán a colaboración entre a Deputación de Pontevedra e o Concello de Caldas de Reis para a execución do proxecto de "Recuperación de espazos e mellora da mobilidade peonil na estrada EP 8005 (Rúa do Parque, Caldas de Reis)".

As unidades de obra contempladas no proxecto inclúen a demolición do aglomerado existente e a execución dos movementos de terras necesarios para a construción dunha zona de convivencia sobreelevada, con prioridade peonil, executada con lastros prefabricados de formigón e lousas de pedra. A maiores, o proxecto contempla a realización dos movementos de terras e traballos necesarios para a execución da modificación da rede de pluviais existente, co fin de adaptala ó novo deseño da rúa, e a realización dunha nova rede de alumeadado público con luminarias LED de alto rendemento.

Segunda.- Importe.

O importe das obras da presente actuación ascende a trescentos sesenta e sete mil seiscentos cincuenta e un euros con oitenta e cinco céntimos (367.651,85 €), máis setenta e sete mil douscentos seis euros con oitenta e nove céntimos (77.206,89 €) en concepto de IVE, o que ascende a un orzamento total de catrocentos corenta e catro mil oitocentos cincuenta e oito euros con setenta e catro céntimos (444.858,74 €).

Terceira.- Financiamento.

O investimento necesario para a realización das mencionadas obras e expropiacións será financiado pola Deputación de Pontevedra e o Concello de Caldas de Reis segundo se detalla:

| OBRAS | Achega | % |
|----------------------------|---------------------|------------|
| Deputación de Pontevedra | 311.401,12 € | 70 |
| Concello de Caldas de Reis | 133.457,62 € | 30 |
| TOTAL INVESTIMENTO | 444.858,74 € | 100 |

| EXPROPIACIÓNS | Achega | % |
|----------------------------|--------------------|------------|
| Concello de Caldas de Reis | 40.157,09 € | 100 |
| TOTAL EXPROPIACIÓNS | 40.157,09 € | 100 |

A Deputación financiará a súa achega por importe de 311.401,12 € (70 %) con cargo á aplicación 2022/456 4530 612.02/2021.



A achega total do Concello de Caldas de Reis será de 173.614,71 (133.457,62 € obras + 40.157,09 € expropiacións), pola que se xerará crédito na correspondente aplicación orzamentaria. A correspondente ás obras financiarase con cargo ao Plan Concellos 2023. O importe do xustiprezo das expropiacións financiarase polo Concello con cargo ao Plan Concellos 2021-reinvestimento de baixa. O financiamento con cargo a estas subvencións está condicionado á aprobación do plan pola Deputación e por contía suficiente correspondente ao Concello de Caldas de Reis asumindo o Concello o compromiso de financiamento das achegas municipais con fondos propios do Concello no caso de non poder ser financiadas con cargo ao Plan Concellos ou de que a obtida sexa insuficiente.

De conformidade co disposto no artigo 116.5 da Lei 9/2017, de 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (en diante, LCSP), unha vez aprobado o Convenio, e antes de aprobar o expediente de contratación correspondente, acreditarase a plena dispoñibilidade de todas as achegas que financian o investimento.

Os demais gastos derivados da actuación obxecto do presente convenio, tales como redacción do proxecto e os contratos de servizo accesorios para a dirección control e seguimento da execución de obras, recuamento de servizos ou o control arqueolóxico da mesma, serán financiados pola Deputación de Pontevedra.

Cuarta.- Incidencias no desenvolvemento da obra.

Calquera incidencia que poida xurdir no desenvolvemento das obras e se produza un incremento do custo por excesos de medición, revisión de prezos ou modificación do proxecto por causas imprevistas, será financiada de conformidade cos coeficientes dispostos na cláusula terceira. No caso de producirse unha diminución do custo, sempre que a achega do Concello sexa con cargo a fondos propios, será devolta a cantidade sobrante.

Quinta.- Obrigas do Concello.

O Concello de Caldas de Reis obrígase a:

- 1) Obter as correspondentes licenzas e tramitar ante outros organismos as autorizacións pertinentes que fosen precisas.
- 2) Levar a cabo a conservación e mantemento de todos os servizos urbanos executados ou modificados polas actuacións obxecto deste convenio (itinerarios peonís, zonas de convivencia, mobiliario urbano, iluminación, etc.), logo da comunicación da Deputación de Pontevedra de finalización das obras.
- 3) Achegar á Deputación de Pontevedra o compromiso do acordo adoptado polo órgano que legalmente teña atribuída a competencia conforme á lexislación propia do réxime local, á que fai referencia o apartado 2 anterior, antes da sinatura do presente convenio.
- 4) Solicitar a transferencia dos viais que a continuación se relacionan, de conformidade co establecido na Lei 8/2013, do 28 de xuño, de Estradas de Galicia e Real Decreto 66/2016, tendo carácter o presente convenio de documento de solicitude formal de iniciación do procedemento:



- Estrada provincial EP 8005 Rúa Parque.
 - Treito antigo de 110 metros lineais situado no PQ 1+265 (marxe dereita) da estrada provincial EP 8004 Caldas – Vilanoviña, parte pertencente ó concello de Caldas de Reis.
- 5) Darlle a adecuada publicidade a este convenio, de tal xeito que quede constancia que a remodelación da infraestrutura se levou a cabo en colaboración coa Deputación de Pontevedra.

Sexta.- Obrigas da Deputación Provincial de Pontevedra.

Correspóndelle á Deputación de Pontevedra:

- 1) Redactar o proxecto técnico para a execución das obras obxecto deste convenio.
- 2) A tramitación e xestión do expediente de expropiación para obter os terreos necesarios ao borde da estrada, para poder acometer as obras segundo as necesidades indicadas no proxecto.
- 3) Dirixir, executar e recibir as obras.
- 4) Comunicarlle ao Concello a recepción das obras.
A comunicación da Deputación ao Concello de Caldas de Reis da formalización do acto de recepción das obras determina o nacemento das obrigas de conservación e mantemento dos servizos urbanos asumidas polo Concello na cláusula quinta 2) precedente, sen prexuízo das responsabilidades que correspondan ao contratista derivadas do contrato de obras e para esixir o cal, a Deputación de Pontevedra, poderá adoptar todas as medidas que considere necesarias.
- 5) Remitir a información sobre o presente convenio ao Consello de Contas en aplicación do establecido no artigo 53 da LRXSP e da súa normativa de desenvolvemento.

Sétima.- Compensación de débedas

O Concello de Caldas de Reis faculta expresamente á Deputación para reter e compensar o importe da súa contribución ao financiamento das obras con cargo ás cantidades que lle poidan corresponder por toda clase de débedas vencidas e pendentes de pago.

Oitava.- Comisión de seguimento e control.

Para o seguimento e control do cumprimento do presente convenio , así como para aclarar as dúbidas que suscite a súa interpretación, constitúese unha Comisión de Seguimento da que forman parte a presidenta, o alcalde ou persoas en quen deleguen, o secretario da Deputación de Pontevedra ou persoa en quen delegue e un representante técnico de cada Administración.

As súas funcións, entre outras, serán as seguintes:

- Impulsar e avaliar o cumprimento do presente convenio, proponendo as actuacións que se consideren precisas.
- Proponer a interpretación, en caso de dúbida, do contido do mesmo.
- Proponer ás partes a resolución das controversias que poidan xurdir na aplicación do convenio.



Esta comisión reunirse dentro do prazo de tres días, a contar dende a petición expresa realizada por calquera delas.

Novena.- Vixencia do convenio

O presente convenio entrará en vigor na data da súa firma e terá vixencia ata o remate das obras obxecto do mesmo, en todo caso ata o 31 de decembro de 2024. Non obstante, os efectos económicos do convenio entenderanse ata tres meses despois da liquidación do contrato da obra, unha vez rematado o período de garantía. Calquera incremento do custo neste período será financiado de conformidade cos coeficientes dispostos na cláusula terceira do convenio

A vixencia do presente convenio poderá prorrogarse coa conformidade expresa das partes intervinientes.

Décima.- Extinción.

O convenio extinguirase por cumprimento das actuacións que constitúen o seu obxecto ou por incorrer en causa de resolución. Serán causas de resolución o incumprimento das obrigas derivadas deste convenio por calquera das partes de conformidade co disposto no artigo 51 da LRXSP e as demais previstas no dito artigo.

Undécima.- Normativa aplicable.

O presente convenio ten natureza administrativa, rexéndose polas cláusulas establecidas e:

- Lei 7/1985, de 2 de abril, reguladora das bases de réxime local.
- Lei 5/97, de 22 de xullo, da Administración local de Galicia.
- Lei 40/2015, de 1 de outubro, de réxime xurídico de sector público.
- Bases reguladoras da execución do orzamento da Deputación de Pontevedra
- E demais normativa de obrigado cumprimento.

As partes quedan sometidas á Xurisdición Contencioso-Administrativa, a falta de entendemento previo pola comisión citada na cláusula oitava, na resolución de posibles controversias que puideran suscitar o incumprimento ou interpretación do convenio.

E en proba de canto antecede, as partes que interveñen asinan o presente convenio, por duplicado e a un só efecto, no lugar e na data sinalados no seu encabezamento.

